

**1. Ministarstvo za boračka pitanja Kantona Sarajevo, koga zastupa ministar mr.Muharem Fišo (u daljem tekstu: Ugovorni organ) i**

**2. Boa d.o.o. Sarajevo, koga zastupa direktor Mirsada Nikšić (u daljem tekstu: Dobavljač), zaključili su u Sarajevu, dana 16.05.2017. godine,**

## **U G O V O R**

**o nabavci i isporuci prehrambenih proizvoda (artikala) i sredstava za ličnu higijenu za pripadnike boračke populacije Kantona Sarajevo za 2017. godinu**

### **Član 1.**

Predmet ovog Ugovora je nabavka i isporuka prehrambenih proizvoda (artikala) i sredstava za ličnu higijenu za pripadnike boračke populacije Kantona Sarajevo za 2017. godinu za koju je obavještenje o nabavci, kao i tenderska dokumentacija, objavljeno na Portalu javnih nabavki dana 20.02.2017. godine, te provedena E-aukcije u skladu sa Pravilnikom o uslovima i načinu korištenja E-aukcije („Službeni glasnik BiH“, broj 66/16).

### **Član 2.**

Ugovorni organ naručuje za 2017.godinu tipske pakete po cijeni umanjenoj putem E-aukcije za 24,16% u odnosu na cijenu iz ponude, sa slijedećom robom i preračunatim cijenama:

<b>Rb.</b>	<b>Naziv artikla</b>	<b>Količina sa jedinicom mjere</b>	<b>Ukupna cijena po stavki sa PDV-om za traženu količinu</b>
1.	Brašno tip 500	25 kg	11,38 KM
2.	Ulje suncokret	5 litara	8,34 KM
3.	Riža glazirana	1 kg	1,06 KM
4.	Pura	1 kg	1,06 KM
5.	Rezanci	450 gr x 2 pakovanja	1,14 KM
6.	Makaroni	450 gr x 2 pakovanja	1,14 KM
7.	Grah	1 kg	2,28 KM
8.	Paprika kisela	750 gr/ 1 tegla	1,52 KM
9.	Krastavci kiseli	750 gr/ 1 tegla	1,37 KM
10.	Eurokrem namaz	1 kg	3,03 KM
11.	Ajvar	720 gr/ 1 tegla	2,12 KM
12.	Voćni sirup	1 litar	1,37 KM
13.	Keks - napolitanke	800 gr/ 1 pakovanje	2,28 KM
14.	Pašteta pileća	100 gr x 5 komada	2,65 KM
15.	Riblja konzerva-sardina	125 gr./ 5 komada	2,28 KM
16.	Mlijeko pasterizovano-trajno 2,8 mm	5 litara	4,55 KM
17.	Začin	500 gr / 1 pakovanje	1,14 KM
18.	Kafa mljevena	500 gr / 1 pakovanje	3,79 KM
19.	Šećer kristal sitni	5 kg	6,07 KM
20.	SO kuhinjska	1 kg	0,46 KM
21.	Sir feta	500 gr /2 komada	4,55 KM

22.	Sudžuka	500 gr / 1 pakovanje	2,28 KM
23.	Pileći narezak	125 gr / 5 komada	3,41 KM
24.	Supe	60 gr / 5 komada	1,90 KM
25.	Deterdžent za suđe	1 l / 1 komad	0,83 KM
26.	Pasta za zube	75 gr / 1 komad	1,14 KM
27.	Toaletni papir	8 rola / 1 pakovanje	1,14 KM
28.	Deterdžent za rublje	3 kg / 1 vreća	3,03 KM
29.	Šampon za kosu	1 l / 1 komad	1,14 KM
30.	Toaletni sapun	100 gr / 3 komada	1,14 KM
<b>UKUPNA CIJENA SA PDV-om (KM)</b>			<b>79,59 KM</b>

### Član 3.

Dobavljač se obavezuje da licu koje od Ugovornog organa, a u skladu sa kriterijima, ostvari pravo na prehrambene proizvode (artikle) i sredstva za ličnu higijenu (u daljem tekstu: korisnik) obezbjedi tipski paket sa prehrambenim proizvodima (artiklima) i sredstvima za ličnu higijenu sa proizvodima i količinama navedenim u Članu 2., pri čemu nije dozvoljena izmjena sadržaja paketa.

Dobavljač se obavezuje da će u svaki tipski paket staviti spisak sa sadržajem istog, uz obavezu da spiskove sa potpisom korisnika o preuzimanju paketa dostavi Ugovornom organu uz fakturu.

### Član 4.

Ugovorni organ će Dobavljaču dostaviti spiskove korisnika jednokratne novčane pomoći u vidu prehrambenih proizvoda (artikala) i sredstava za ličnu higijenu razvrstane po općinama na kojima korisnici imaju prebivalište, a Dobavljač se obavezuje da svakog korisnika telefonski obavjesti o vremenu i mjestu preuzimanja tipskog paketa sa prehrambenim proizvodima (artiklima) i sredstvima za ličnu higijenu.

Dobavljač se obavezuje da će određeni broj paketa dostaviti na adrese krajnjih korisnika koji iz zdravstvenih i drugih razloga nisu u mogućnosti sami preuzeti paket.

Ugovorni organ zadržava pravo da putem ovlaštenog lica vrši kontrolu isporuke paketa čitavim tokom realizacije predmetnog ugovora.

### Član 5.

Dobavljač se obavezuje da će proizvodi koji su predmet ovog Ugovora biti isključivo oni iz ponude, uključujući Zemlju porijekla, proizvođača i količinu, a po cijeni koja je ponuđena putem E-aukcije (cijena iz ponude umanjena za 24,16%).

Dobavljač se također obavezuje da će proizvodi koji su predmet ovog Ugovora biti I klase kvaliteta sa adekvatnim rokom trajanja, odnosno artikli podložni kvarenju će biti u prvoj trećini upotrebnog vijeka, kontrolisani, označeni i pravilno deklarirani u skladu sa važećim propisima, te da će iste pratiti sva dokumentacija neophodna za eventualnu provjeru.

U slučaju da iz bilo kojeg razloga ovlašteno lice Ugovornog organa, odnosno korisnici prilikom preuzimanja utvrde da isporučena roba nije u skladu sa garancijom za količinu, kvalitetu i rok trajanja, Dobavljač se obavezuje da će u roku od 24 sata izvršiti zamjenu reklamirane robe i isporučiti robu odgovarajuće količine, kvaliteta i roka trajanja. Rok za podnošenje reklamacije na isporučenu robu je 2 dana od prijema robe.

Reklamacija se podnosi isključivo u pismenoj formi.

### **Član 6.**

Ukoliko Dobavljač ne prihvati opravdanu reklamaciju Ugovorni organ raskida ugovor i obustavlja plaćanje po fakturi za izvršenu isporuku. Ugovorni organ zadržava pravo jednostranog raskida ugovora i iz drugih opravdanih razloga u skladu sa Zakonom.

Ugovor se smatra raskinutim po pismenom obavještenju Dobavljaču od strane Ugovornog organa, a iz razloga utvrđenih ovim Ugovorom.

### **Član 7.**

Za proizvode iz člana 2. ovog Ugovora ugovorni organ će isplatiti Dobavljaču nadoknadu u ukupnoj vrijednosti od najviše 200.009,67 KM sa PDV-om za 2513 tipskih paketa, odnosno 79,59 KM sa PDV-om po jednom tipskom paketu.

Ugovorni organ zadržava pravo da umanji izraženu najveću ukupnu vrijednost Ugovora ukoliko se isti bude morao smanjiti zbog nedovoljnog priliva sredstava u Budžet Kantona Sarajevo za 2017.godinu ili iz drugih opravdanih razloga, na koje ugovorni organ nema uticaja, a što će procijeniti ugovorni organ.

### **Član 8.**

Ugovorni organ se obavezuje da će plaćanje Dobavljaču vršiti u skladu sa isporukom, isključivo na osnovu ispostavljenih faktura, odnosno da će odobravanje plaćanja obaveza po ovom ugovoru izvršiti u roku od 15 dana od dana ispostavljanja faktura po izvršenoj isporuci tipskih paketa od strane Dobavljača, a plaćanje zavisi od dinamike priliva budžetskih sredstava. Dobavljač se obavezuje da će uz fakturu dostaviti i pojedinačne spiskove isporučenih tipskih paketa sa prehrambenim proizvodima (artiklima) i sredstvima za ličnu higijenu ovjerenih potpisom od strane korisnika.

### **Član 9.**

Rok početka isporuke je najkasnije 5 (pet) dana od dana potpisivanja ugovora, odnosno dostavljanja spiska krajnjih korisnika od strane Ugovornog organa.

Isporuka će se vršiti u prodajnom objektu u ulici Blažuj broj 41- Ilidža.

Dobavljač je dužan ukupnu količinu paketa isporučiti u roku od 30 (trideset) dana od dana dostavljanja spiska krajnjih korisnika od strane Ugovornog organa, a najkasnije do 31.12.2017. godine.

Ugovorni organ će u slučaju kašnjenja za svaki dan kašnjenja naplaćivati penale u iznosu od 0,05 % od vrijednosti ugovora, a maksimalno do iznosa definisanog zakonom.

### **Član 10.**

Dobavljač se obavezuje da sa danom potpisivanja ovog Ugovora obezbjedi garanciju za dobro izvršenje Ugovora u visini od 5 % od vrijednosti ugovora koja će poslužiti za pokrivanje svake štete i troškova koje Ugovorni organ može imati ukoliko Dobavljač prekrši ugovor o nabavci roba od dana potpisivanja ugovora pa do njegovog ispunjenja u cjelosti.

Ugovorni organ zadržava garanciju do isteka roka važnosti.

Ako Dobavljač ne dostavi garanciju za dobro izvršenje Ugovora na dan potpisivanja Ugovora, Ugovor se neće potpisati, a Dobavljač se obavezuje da nadoknadi štetu koju je pretrpio Ugovorni organ zbog nepoštivanja zahtjeva iz tenderske dokumentacije i uslova ovog Ugovora.

### Član 11.

Dobavljač kome je dodjeljen ugovor neće sklapati podugovor ni o jednom bitnom dijelu ugovora bez prethodnog pismenog odobrenja ugovornog organa. Elementi ugovora koji se podugovaraju i identitet podugovarača obavezno se saopštavaju ugovornom organu blagovremeno prije sklapanja podugovora. Ugovorni organ obavjestit će dobavljača o svojoj odluci u roku od 15 dana nakon prijema saopštenja, navodeći razloge u slučaju odbijanja. Dobavljač kojem je dodjeljen ugovor snosi punu odgovornost za realizaciju ugovora.

### Član 12.

Ugovorni organ shodno članu 72. tačka 6. Zakona o javnim nabavkama BiH postavlja uslov da dobavljač kojem je dodjeljen ugovor o javnoj nabavci nema pravo da zapošljava, u svrhu izvršenja ugovora o javnoj nabavci, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, nadležna za dodjelu navedenog ugovora o javnoj nabavci, najmanje šest mjeseci po zaključenju ugovora.

### Član 13.

Ovaj Ugovor stupa na snagu danom potpisivanja, a važiće do 31.12.2017. godine.

### Član 14.

Sve eventualne sporove ugovorne strane će rješavati sporazumno, a ako se sporazum ne može postići nadležan je sud u Sarajevu.

### Član 15.

Ovaj Ugovor je sačinjen u 4 (četiri) istovjetna primjerka od kojih svaka ugovorna strana zadržava po 2 (dva) primjerka.




**Za Dobavljača:** **Mirsada Nikšić, direktor**

**Za Ugovorni organ**  
**mr. Muharem Fišo, ministar**

Broj: Sarajevo, 16.05.2017. godine

Broj: 06-14-11007-1/17  
 Sarajevo, 16.05.2017. godine